

साथणा

आपणो ढुङ्ठाड, आपणी संरक्षणी
जनवरी सूं मारच- 2021



मुवाक्या

1. दो कसवा परेम हैबो।

अर्थ:- मधुर संबंध होना।

वाचया में प्रयोग :- करसण अर लछमण का बालणणा सूई दो कसवा परेम हो।

2. भर-भर मूण्डर आबो।

अर्थ:- आमदनी से अत्यधिक खर्च करना।

वाचया में प्रयोग :- यामू की लुगाई क तो भर-भर मूण्डर आरी छ, नतकई बजार म सूं निया लत्ता लैर आवै छ।

प्रकाशक

निर्माण सोसायटी,
चाक्सू



थांस्यगळा न अंतरास्टीय महिला दन की घणी-घणी बधाई अंतरास्टीय महिला दन वर्षां मनावां छां?

अंतरास्टीय महिला दन हर साल 8 मारच न मनावै छ। अंतरास्टीय महिला दन एक मजदूरी के खिलाप आन्दोलन छो। यो आन्दोलन लगातार च्यार दन तक चाल्यो छो। जिनै अमेरिका हर साल मनाबा की मंजूरी दी छी। ईंकी सुरुआत सन 1908 म ही छी। जद 15 हजार लुगायां न काम का घटा कम करबो, बडिया तनखा अर बोट देबा की मांग क साथ आन्दोलन करी छी।

ऊंकै एक साल पाछै अमेरिका की सोसलिस्ट पार्टी न पैली बार अंतरास्टीय महिला दन मनाबा की सुरुआत करी। पण ई दन न अंतरास्टीय बणाबा को सुझाव “कलारा जेटकिन” नांव की लुगाई का डिमाक म आयो छो। ई पार्टी म 17 देसां की 100 लुगायां मोजुद छी। सगळी लुगायां न ऊंको सुझाव बडिया लाग्यो अर व सगळी ऊंका सुझाव न मानी छी। ऊंकै पाछै सबसूं पैली अंतरास्टीय महिला दन पैली बार 8 मरच-1911 म आस्टेलिया, डेनमार्क, जर्मनी, स्विजरलेंड म मनाया छा। ऊंकै पाछै 8 मारच-2021 सूं सगळी दनियां म 110 वों अंतरास्टीय महिला दन मनायो गियो। ई आन्दोलन म लुगायां क साथ भेदभाव हर्यो छ, ऊंनै रोकबा क ताणी जागरूता न बडाबा को परचार बी कर्यो जावै छ।

अंतरास्टीय महिला दन का खास तीन रंग बी छ। बैंगणी, हर्यो अर धोळो छ। बैंगणी रंग न्याई अर गरिमा को सूचक छ। हर्यो रंग उम्मीद को परतीक छ अर धोळो रंग ईमानदारी को परतीक छ।

अंतरास्टीय गराक दन वर्यु मनावै छ?

15 मारच न विस्व गराक दन मनायो जावै छ। ई दन बाजार म हैबाढ़ी जमाखोरी, काळाबजारी, सामगरी म मिलावट, सामगरी का जादा पीसा लेबो, बना नाप-तोल सामान बेचबो, नाप-तोल म ठगी करबो, गांरटी दिया पाछै समान कोन बदलबो, गराकां के साथ हैबाढ़ा सगळा अपराधां न कम करबा के तोड़ी 15 मारच न अंतरास्टीय गराक दन का रूप म मनावै छ। ईको मतलब या बी छ गराक का अधिकार अर जरूरतां का बारा म जाणकारी देबो। अंतरास्टीय गराक दन पैली बार 15 मारच 1962 म अमेरिका को रास्टपती “जोन एफ कैनडी” न सुरुआत करी छी अर कांगरेस सरकार न एक संदेस भेजी जिमै गराक का मुद्दा के खिलाप लड़ाई लड़बा के तोड़ी छा। अस्यां करबाढ़ा व पैला नेता बणग्या। भारत न सन 1966 म पअली बार 15 मारच न अंतरास्टीय गराक दन मनाबा की सुरुआत ही छी। ई दन को यो मतलब छ कअ, गराक न सम्मान मलबो, ऊंकी इज्जत हेबो, सामाजिक अन्याई अर बाजार की मंहगाई के खिलाप लड़ाई लड़ी जावै, गराक का अधिकारा न मजबूत बणावै अर गराक न मिलावट करबाढ़ा के खिलाप जागरूक करै। ऊं दन सूं लेर आज तक सगळा अंतरास्टीय गराक दन मनायो जार्यो छ।

रास्तान का गराकां के तोड़ी सरकार टोल फरी नम्बर 18002330046 दी छ। गराक यां नम्बरां प ईकी सगळी सिकायत अर कसी बी जाणकारी ले सकै छ।

गराकां की सगळी सिकायतां के तोड़ी फून करो

(गराकां का मामला विभाग सूं आयोजित, भारत सरकार) टोल फरी

नम्बर 1800-11-4000 टोल नम्बर 011-23708391 (5 लाइन)

(सामान्य कोल प पीसा लागैला) संदेस भेजबा का नम्बर 8130009809 (24 घण्टा)

www.nationalconsumerhelpline.in बाहरी वेबसाइट ज्ये एक नई विंडो म खुलअ छ” या रास्तीय गराकां की सायता, गराक अध्ययन केंद्र, भारतीय लोक परसासन संस्तान आईपी एस्टेट, रिंग रोड, नई दल्ली 110002 न लखै।

ढुँढाड़ी म चोखा बच्यार

1. जीं काम सूं आत्मा दूखै छ, बोई पाप छ। – महात्मा गांधी
2. जिनै हारबा को डर छ, ऊंकी हार जरूर हवै छ। – नैपोलियन
3. जीवन आणन्द लेबा बेर्इ छ, भोगबा बेर्इ कोनै। – गोर्डन बी.
4. थे जस्यो सोचै छ, अस्योई थे बणज्याला। – ब्रूस ली

सम्पर्क

निर्माण सोसायटी

वार्ड नं. 6, तकिया मस्जिद के पास, काली हवेली के पीछे,
देशवालियों का मोहल्ला, चाकसू, जयपुर, राजस्थान-303901

Ph.-01429-243997, 9982668204, 9887748510

Email- rajasthanlanguages@nirmaan.org.in

Web- www.nirmaan.org.in

www.dhundari.org.in

